

يسقط يسقط حكم المرأة

يسقط يسقط حكم المرأة

تسقط كل حقوق المرأة

حقوق الرجال هضمينه ليه؟

بعد ما جبتوا الحق عليه

كتر حقوقه اده حياذينا

الأغلال ربطت رجلينا

مين م المرأة راح يحميننا؟

ليه ركبتوا المرأة علينا؟

أهي بتقول مش محتاجة لينا
وانها أحسن من ميت راجل

(2)

كنا سناجل
بالبرفان دايماً انبخر
كنا بنمشي طيور تتمخطر
نرجع بـدري أو متأخر
مش مربوط في قفاننا مؤخر
ندفع كاش .. ندفع آجل
مش مصروف دلوقتي وعاجل
كنا زي الطير الزاجل

نلف الدنيا وبحريّة
من عش لعش ناخذ نظرة
لحد ما فلحظة غيبة
حطينا على عش رزية
ورجلينا وقعنا في الخيبة
أتاريه ده عش الزوجية

(3)

يسقط يسقط حكم المرأة
حكم المرأة يا عالم غارقة
شوفوا كام زوج بينام في الطريقة
أو كام واحد حاسس منها في قلبه بحرقه

القوانين اديهم جـرأة

يسقط يسقط كل تسلط

يسقط حكم المرأة الوغدة

يسقط كل نظرة بزغدة

خدها يارب شر الأخدة

يا أماتش لرجل مراتي

ما بتضربشي غير بالفخدة

وعاملة سـطو عليا يوماتي

حتى الفكـة كمان متاخدة

(4)

احنا حقوقنا راحنا فـين؟
ضـيعتوها في لمحـة عـين
احنا لـو حنموت م الجـوع
يا تـسا ونازي المـرأة
يا حنفضـل هنا بالأسـبوع
حتى لـو عـازب مـخدوع
جاي بيطالب ليها بحقوقها
خش يا خوي العـش ودوقها
أول شـهر وحي روح زوقها
وعـذابك راح يبقـى ده شـوقها
وحنبة قـى عـريـة تـسـوقها

وحتفضل في البيت جربوع
وحتعرف أنك مخدوع
مين حيشارك ضد المرأة

(5)

بعد الجمعة ياناس أنا نازل
حاحد حقي ومش حتنازل
مش راح أنافق تاني واغنازل
مش راح أقولك تاني ياقطة
دا أنتي برطنة
حتى في حلقي مرار بزغطة
وكل شوية ح أتلكلك

ياللي البومة أصلاً شكلك

شوفنا جمال موجود في الدش

وانتي حلاوتك زي المش

مش راح أخاف ومش راح أكش

مش راح أقولك تاني معلش

مش راح أطاطي تاني يامراتي

وحاطط الشبشب تحت بطاطي

(6)

لو بصيتي بنظرة كـش

ح تلاقني الشبشب طار في ثواني

وسباب الجسم ولبس الشوش

يسقط يسقط أي كلام

ح يحط المرأة في أي أغاني

ومش راح أعاني وأقول آه ياني

مش راح أخش المطبخ تاني

مش راح أنصف تاني أواني

وراح أوريكي الشوش التاني

وتتعرفني على أصل الشوش

كلامي بجهد ماهش تهديد

بطلي شغل سيدي وعييدي

حتى لو تصبينة العيد
جزمة قديمة مليانة طينة
برضه ح أخش على السجاجيد

(7)

وانسي يا ماما أكونلك ساعي
ياللي لسانك قد دراعي
ياللي قرايبك قاموا بخداعي
ياللي حقيقتك حرقت دمي
وأنامن هبلي مشيت متغمي

طلعوا صورة في يوم هبلتني

قولت ازاى مالهاش خُطاب
دي بت جميلة وشكلها طاب
بس قالولي لابسة نقاب
بعد قراية في كتب الـدين
فرحت في عبي وقولت أمين
مـدام جميلة وعندها دين

(8)

وجاني الـيوم الموعود
والقاعة مليانة ورود
ودخلت حلمي المنشود
والفرقة ظهـرت بـدفوفها

وحلمي اتحقق وحشوفها
زفوها الكوشة بالدفنة
ميلت عليها ألغي كسوفها
ريحتها جميلة قامت هافة
رفعولها الطرحفة في الزففة
لقيت بضاعة تالففة وجاففة
بسرة ريققي حضرتفة
وفي لحظفة دماغني قامت لفة
وقولت ساعتها يا ليلة طين

(9)

شكلها يدي على ستين

شوفت حواجب متواصلين
شوفت عندها شمال ويمين
كأن اتنين كانوا متخاصمين
لادغة كمان في الره والسبين
حتى صحابي لما شافوها قاموا دايعين
وقبل ما يمشوا جرم عزوني
الله يعينك يا مسكين
علشان عندي حسن النية
أهل مراتي ضحكوا عليا
وصورة البت لناس تانيين

(10)

صحي يا بت أبوكي أمين

قوليله ع العصر خلاص داخلين

اصحى يا بابا .. اصحى يا بابا

يسقط يسقط .. يسقط يسقط

يسقط يسقط .. يسقط يسقط

اصحى يا بابا أنت بتحلم

مين؟ .. أنا نر مين

كان حلم يا بابا ولا كابوس

اي والله يا بتتي ككابوس

يبقى أكيد مزنونق في فلوس

لا والله

يا بنتي كابوس وشيطانه لئيم
كان عنده عقدة صنف حریم
سابني نمت عملي كمين
بعد خلاف كان ع الكسوة

(11)

قولت لأملك راح أقبل
انتزها فرصة وجاني في كابوس
عايشني في كذا حلم منيل
افتكر العشرة أساسها فلوس

ميعرفشي الي بينا يساوي كنوز
حول جمال أمك لكابوس
شبهها آله وناقصة تروس
حتى البودي كمان معكوس
طب شخشخ جيبك يا حبيبي
أنا عندي سنتر ودروس

نعم ياختي؟

يا ماما يا ماما

خالص يانا نرمين
يعني أمك زعلانة على كسوة
وانتي عايزة فلوس لدروس

مشح أخلص من نون النسوة

بجديا بابا كان ده كابوس؟

بابا بابا

بابا ننام تاني!!